

Títelē lírũ ke Pōoli uu Tesaloniki pikó n wói

Lelēe rítelē ntí-i ní we

Títelē lírũ ntí ye nsímé ke Pōoli uu Tesaloniki pikó rifoí kémee n wói písímé kpálenle. Li pēe pi cónlenle re íye kai wa ke Upíima Yeesu úu kahane m pēeme. Pinyine ye pēe Tesaloniki-i símaankēe re Upíima keyaa ye pikáme masile. Picō pōo lē nnya pikēi n yulu.

Ifaaci iyē mēkériine ye mmé:

1. Pōoli ye Uléécaā pōonee re Tesaloniki pikó ye nfatene kémee papisi nnya. Uu kō mese ne mese Upíima welu re uké nηmóópú pi he liké ha ne ukēpēemeyaa tu (1:1-12).
2. Pōoli ye Kirisi mēpēeme kecáá icélaa pa uu kō lelēe n waine liké kelene lē n wa nkó símisi (2:1-12).
3. Ikari pikpáse ne iwelē (2:13-17).
4. Pōoli ye Kirisi pikó pise re piké Uléécaā n yáási. Uu kō pēpēe ápi pikēi piwai ní la nkó kecáá icélaa pi pa (3:1-15).
5. Iyáhaa tōrōō (3:16-18).

Iyáhaa

¹ Nē Pōoli ne Silasi ne Timotee, tōo nō Tesaloniki Uléécaā icápine pikó pē ke Urósáa Uléécaā ne Urópiima Yeesu Kirisi api n te rítelē wóipō. ² Urósáa Uléécaā ne Urópiima Yeesu Kirisi piké ípēelēe nó nyíse api kō nkínñine nó he.

Kirisi ye wemele uké ne pISOI túhaane

³ Pimárecɔ, li pise re tóké mesére nó nnya Ulééca n yáási re ne upikei. Li ne risále re tóké li wa, likumúnjé re nónnéfatené ye pelule, lã kani n lákaane lin kɔ mesére kéyu-mě sí. ⁴ Lã nnya kari Ulééca icápine pikó inipere-i nó nnya rikókori wai re mpa ne íwe kani n le ne piwéékuse nnéi kani n yénaalẽ, nó rinjmóópulé ani nfatene m má. ⁵ Kei ke Ulééca uu ye nyíse re uketahai ye kecíre wele. Li lã wale re nóké ne peree masí uiyɔɔpi kémee n lonine mecɔ n we nnya. Ulééca iyɔɔpi iyẽ nnya kani nní íwe le. ⁶ Ulééca ye aseí mále. U yé peree nní íwe nó n wai íwe iyẽ ceí. ⁷ Amá u yé kam uu tíyese tó ne nnó, tóo nní íwe n le, ari wénté. Kumúnjé kpe-i ke Upíima Yeesu uu ha keyómecaa-pɔ n kpáfúmene mpa úye uké u yé ne upileecaatumé nanje-nanje kai lã waine. ⁸ Inalempi kecɔpe kuu cépimene uké peree ápi ní la piké Ulééca céri ápi kɔ Urópiima Yeesu Nsímé Kecíre pakarelẽ kpanii. ⁹ Akpanii kapi n yénune nyee ncaai teneciré, kei kapi yé Upíima ne Unnanje mule-mule ne ketaa ní we. ¹⁰ Kumúnjé kpe-i kuú ha sónti re pẽ kuu n wée piké ríyu u waise, peree ne kefa n tené piké u nyáni. Nó ticuruu, nó ha pISOI pẽ kunai kémee n wele, kani nsímé kari nó n símisi ne kefa n tenelẽ nnya. ¹¹ Lã nnya kari mesére nókenécáá keyóme yáási. Tɔ ne Ulééca ténile re uké tíyese nóké peree nfáa mmẽ nnya kuu nó ní sée n yé mecɔ n we. Tɔ ne u ténile re uké tíyese lã kani n hólẽ te nóké wa líké wa, uké kɔ lã ke nónnéfatené nn piwai ní la kémee nó lã. ¹² Lin lã n wa, nó Urópiima Yeesu rinyiri ríyu waise, uyẽ uu kɔ nó tíyu waise. Urólééca ne Urópiima Yeesu

Kirisi pikɛi yɛ pɛ̃.

2

Lɛlɛɛ n wainɛ Uptima ukɛ kelenɛ n kam

¹ Pimárecɔ, in tɛ Urópíima Yeesu Kirisi mɛkame nɛ mɛrɔ́cápinɛ ukɛyu-i nkó, ² áni kape t́yɛsɛ pikɛ nónnɛ́fasimé cókɔi, áni kape kɔ t́yɛ pikɛ iwamɛ nó waisɛ rɛ Upíima kɛpɛɛmɛyaa yɛ tuimɛ. In n la, unyine yɛ nó tárei rɛ keyáa yɛ tu nɛɛ uu Nléécaasimé picélaa kɛmɛɛ maa rɛ keyáa yɛ tu. In kɔ n la, pi yɛ nó mále rɛ tɔ tirótɛlé rinyine-i wói rɛ keyáa yɛ tu. ³ Mpá lin íyɛ n we, áni kape unyine kɛpolɛ hɛ ukɛ nó ḱiraasɛ. Keyáa kɛ́ kɛkɛ́ kelenɛ n tu, pisoi yé Uléécaá ñmɛriyɛ mɛyá. Uyɛɛ Uléécaá nɛ n kɛ́ɛnɛ un mpɔlɛcɛɛ t́ikilɛ uu léeri api u yɛnu. ⁴ Uyɛɛ uláarɔ yɛɛ umɛcɪrɛ rińtaásɛ uu Uléécaá likó nnéi fómni, uu lɛ́ nnéi kɛ pisoi api yɛ rinwúla api yáási n takúlɛ. Ticuruu u yé Uléécaá keyɔ-i lompɔ́ uú tonɛ yarɛ uyɛɛ Uléécaá. ⁵ Aní léisɛ rɛ nɛ liifaaci nó wailɛnɛ kumúnjé kɛ-i kam nókɛnɛmɛɛ n wee? ⁶ Nɔ nkpéni nyulɛ rɛ linyine yɛ ncéɛ u tápaalenɛ liké ha nɛ kumúnjé kɛ-i kuu yé umɛcɪrɛ n lesɛ ukɛ nyísɛ n̄sɔnɛ n tu. ⁷ Mɛwai kóɛ nnaɛ yɛ mpikɛi korilɛ rinmaha kɛmɛɛ. Mɛwai mɛ́ mɛkɛ́ kelenɛ n wa, li pɪsɛ rɛ uyɛɛ n̄naɛ m̄mɛ m múlɛ́ ukɛ tɔsí. ⁸ Uyɛɛ Uléécaá nɛ n kɛ́ɛnɛ yé rikpáfúmɛ. Amá Upíima Yeesu yé nɛ unnɔ́ u rifuu uu kópu, uu kɔ nɛ unnaɛ kuú nɛ n wɛmɛ u nam. ⁹ Usoi kóɛ yé kam nɛ Setani nnaɛ, uu mɛwaisaɛa nɛ linyísɛ-nyísɛ n̄ɔmɛ ncɔpuri wapisi uú nɛ pisoi kiraasɛntɛ. ¹⁰ U yé mɛwai kóɛ ncɔpuri nɛ keisi ukɛ nɛ pɛpɛɛ m pɔlu kiraasɛntɛ, kápi n ñmurei pikɛ nsímései mɛɛ yé piriyu n lɔ n yɔsí pikɛ kɔ n n̄ la nnya.

11 Lẽ nnya ke Uléécaá uu rínanɛ mme mee yé pi m pɔise pamene re piké ne nnóome kefa tene. 12 Kai nní lẽ, pẽ nnéí pɛe ápi ne aseí kefa n tene, amá api péé ne mewai kópe kutu cɔ, ápi yé Uléécaá ketahai-i le.

Uléécaá yee nó wée re ani tasi

13 Pimáreco, li pise re tóké ye mesére nó pẽ ke Uléécaá uu ní la nnya Uléécaá yáási re ne upikéi. Nó ke Uléécaá uu hái kékoraane-me sée re uké nórínéyu lɔ re Nfáasone ye nónínésoi rikpáiiise ani kɔ nsímései ne kefa tene nnya. 14 Nsímé Kεcire kari nó n símisi ke Uléécaá uu ne ritiki uu ne nó séi re ani Urópíima Yeesu Kirisi meyoopi kέmεε tone. 15 Lẽ nnya pimáreco, ani tasi rísonε ani icélaa iyē karí ne nnó née átelé kέmεε nó n céési múlú.

16 Asei kecáá, Urósáa Uléécaá ye ró lalε, uu ne kefa ró fénne uu mesére ró n ημόόπύσελẽ tɔn kɔ lẽ kuu n yekei re u yé ró wa mé. U ne Urópíima Yeesu Kirisi ricuruu 17 pɛe yé nóanékín ηijnukuse api tíyese ani itisi meýá m má, api kɔ rínanɛ nó he nóké ne mewai ne nsímé kέmεε n nyamí.

3

Ani Pɔoli kecáá we

1 Pimáreco, tɔ ne metóroo nó ténile re ani ne Uléécaá ró we re unsímé nké mekekeε riyékaa nn kɔ ríyu yenu yare lẽ kai nókenémεε n wa meco. 2 Ani kɔ ne Uléécaá ró we re uké piwaikópekáó ne pisoí kópe anipe-i ró lese. Likumúné re áí pisoí nnéí pɛe ye ηmureí re piké ne Uléécaá kefa tene.

3 Amá Uléécaá ye nyamle. U yé rínanɛ nó he uu ne likópe nó tólu. 4 Tɔ kɔ ne kefa tenele ne Uléécaá nnanɛ, tɔn tálẽ te nɔ lẽ kari nó m pise wailε nɔn

kə lipiwai nɔɾɿlɛ. ⁵ Upiima uké tɿyese ani nɔsinéfa-i Uléecaa nla ne isuulu ke Kirisi uu ye n he m má.

Li pise re mpá uye uké ye keisi

⁶ Pimárecɔ, tɔ nó pise ne Urópiima Yeesu Kirisi rinyiri re ani ne pimárecɔ pɛ nnéi pɛɛ siká m má ápi kə isé kari nó m pa tikilɛ ketaa wa. ⁷ Nɔ́ ticuruu ye nyule n̄sɔne lɛ kai m pise nɔké wa nɔké ne ntósé nɔ n sɔne. Karí pɛɛ nɔkenéméé n̄ we, ári pɛɛ pikánkó. ⁸ Ari riyá unyine uké faalaa ró kpínii, amá ró keisile ari mpɔɔne kom. Ketúnjé ne kesine kari keisi nó úka úu kape ne ró n topori nnya. ⁹ Ai re ári pɛɛ ncée má tɔké melé nó pise. Amá tɔ lɛ waile tɔn la re ani merófine ritiki. ¹⁰ Kumúnjé kpe-i karí pɛɛ nɔkenéméé n̄ we, tɔ pɛɛ nó céesi re: Uye unsá pikéi n la, ái pise re liute uké li.

¹¹ Ai líka nnya kari nní lɛ símisi, tɔ kɔ te pikánkó ye nɔkenéméé wele ápi líka wai, amá picɔ nsímé-i kapi lééri. ¹² Tɔ pisoí pɛ mpuri ne Upiima Yeesu Kirisi rinyiri nmóópúselenle re piké ye ne piripɔɔ keisi api pipikei likó le.

¹³ Amá nó áni kape pɔɔne ne lisɔne piwai. ¹⁴ In te unyine ye isé nnyí kari nní rítelɛ ntí-i nó mí pa yè, ani liute ceri, úka úu kape ne u rikɔ, liké iseí u wa nnya. ¹⁵ Mpá ne lɛ, áni kape u kpísi yare nɔunélaarɔ, amá ani ye u céesi yare lɛ kai m pise re piké umárecɔ céesi.

Tinó sɔne pitikise ne iyáhaa

¹⁶ Upiima yee ye nkínɿne n he uké uricuruu nkínɿne nó he mpá píyei ne mpá yo-i. Uké kə nónnénéí kéméé n we.

¹⁷ N'è Pòoli kunipe kpee iyáhaa nnyí wói. Nní kam ye anétele nnéi rinípetei rinyiki. Kunénípe iwói ye nnyí.

¹⁸ Upíima Yeesu Kirisi uké nónnénéí ípéelée nyíse.

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1